



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 69. Statuta Općine Centar Sarajevo – prečišćeni tekst („Službene novine Kantona Sarajevo“, broj 23/4) i člana 4. Odluke o proglašenju boračkih udruženja od posebnog interesa i društvenog značaja za Općinu Centar Sarajevo („Službene novine Kantona Sarajevo“ broj: 2/24) Općinski načelnik Općine Centar Sarajevo raspisuje:

JAVNI POZIV UDRUŽENJIMA BORAČKE POPULACIJE SA PODRUČJA OPĆINE CENTAR ZA PREDAJU PRIJEDLOGA PROJEKATA KOJI ĆE BITI FINANSIRANI/SUFINANSIRANI IZ BUDŽETA OPĆINE CENTAR SARAJEVO U 2024. GODINI

Općina Centar Sarajevo poziva sva udruženja boračke populacije registrovana u skladu sa važećim propisima, sa područja općine Centar Sarajevo, da dostave prijedloge projekata koji će se finansirati iz Budžeta Općine Centar Sarajevo, a koji doprinose slijedećem:

I PRIORITETNE OBLASTI

- a) implementaciji Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj: 31/22) i zakona sa nivoa Federacije Bosne i Hercegovine;
- b) zaštiti prava, zadovoljavanju zajedničkih interesa i rješavanju značajnih pitanja u društvu za sve boračke kategorije;
- c) realizaciji projekata očuvanja, njegovanja kulture sjećanja i tradicije odbrambeno - oslobodilačkog rata '92-'95. godine i NOR-a '41-'45. godine putem obilježavanja značajnih događaja, datuma i ličnosti;
- d) realizaciji projekata humanitarnog karaktera sa ciljem pomoći socijalno ugroženim pripadnicima boračke kategorije;
- e) realizaciji programa resocijalizacije i integracije boračke kategorije u društvenu zajednicu;
- f) realizaciji programa sportskih manifestacija i memorijalnih turnira;
- g) realizaciji programa pružanja pravne pomoći i cjelodnevni rad sa strankama;
- h) realizaciji programa koji se odnose na sportske manifestacije i memorijalne turnire, a naročito posvećene licima i događajima vezanim za odbrambeno-oslobodilački rat '92-'95. godine u organizaciji boračkih udruženja i sportskih društava;
- i) realizaciji drugih programa koji doprinose zaštiti interesa boračke kategorije.

II DODJELA SREDSTAVA VRŠIT ĆE SE NA OSNOVU SLIJEDEĆIH KRITERIJA:

Opći uvjeti koje udruženja trebaju ispuniti:

- a) Posjedovanje Rješenja o registraciji udruženja (Ministarstvo pravde);
- b) Uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava Općine Centar Sarajevo (ili po osnovu ranije dodijeljenih sredstava, ako nisu zaključivali ugovore);
- c) Uredno ispunjavanje obaveza poreza i doprinosa;
- d) Ovjerenu izjavu u općini da se protiv podnosioca prijave/lica ovlaštenog za zastupanje udruženja, ne vodi krivični postupak i da nije pravosnažno osuđen za

počinjenje krivičnog djela (Služba za boračko invalidsku i socijalnu zaštitu će po potrebi, službenim putem od nadležnog organa pribaviti Uvjerenje o nekažnjavanju i nevođenju krivičnog postupka);

- e) Izvještaj o radu Udruženja za prethodnu godinu (usvojen od strane Skupštine);
- f) Način finansiranja udruženja iz drugih izvora sa drugih nivoa vlasti (navesti u prijavnom obrascu);
- g) Program rada za tekuću godinu sa finansijskim planom i obrazloženjem (usvojen od strane Skupštine);
- h) Bilans stanja i bilans uspjeha za prethodnu godinu (FIA);
- i) Zbirni finansijski izvještaj o ostvarenim ukupnim prihodima i rashodima u toku budžetske godine (navesti prihode iz drugih izvora);
- j) Broj članova Udruženja (ažurirani spiskovi iz prethodne godine);
- k) Reference, mišljenja, pohvale i efekti od ranije realizovanih projekata (Izvještaj Komisije za nadzor i koordinaciju).

Posebni uvjeti obuhvataju:

- a) Organizacijske i finansijske kapacitete podnosioca prijave;
- b) Dosadašnje iskustvo podnosioca prijave u provođenju aktivnosti (izvještaji, reference, mišljenja, broj korisnika obuhvaćen projektima);
- c) Kvalitet planiranih aktivnosti – (efekti projekta sa aspekta koji su evidentni i mjerljivi na kategoriji koju zastupa – analize i izvještaji udruženja, ankete – zadovoljstvo korisnika – pripadnika boračke populacije i dr.)
- d) Rezultati koji se očekuju od provođenja programa/aktivnosti koji doprinose zaštiti interesa boračke kategorije;
- e) Broj korisnika obuhvaćen projektima (lista potpisnika korisnika projekata);
- f) Drugi posebni uvjeti prema elementima sadržanim u obrascu za podnošenje zahtjeva.

III PRIJAVA NA JAVNI POZIV TREBA DA SADRŽI:

- **Aplikacijski obrazac za projekte udruženja boračke populacije na području Općine Centar Sarajevo (preuzima se na web stranici Općine);**
- Budžet (preuzima se na web stranici Općine);
- Rješenje o registraciji udruženja od nadležnog organa sa zadnjim izmjenama podataka ne starije od 30 dana od dana podnošenja prijave na Javni poziv;
- Statut udruženja;
- Ovjereni fotokopiji uvjerenja o poreznoj registraciji (ID broj), ne starija od 3 mjeseca;
- Uvjerenje o izmirenim poreskim obavezama ne starije od 30 dana od dana objavljivanja Javnog poziva za dostavljanje zahtjeva za finansiranje;
- Uvjerenje o izmirenim porezima i doprinosima za zaposlenike (ukoliko ima zaposlenika) ne starije od 30 dana od dana objavljivanja Javnog poziva za podnošenje zahtjeva za finansiranje (ukoliko nema zaposlenih dostaviti ovjerenu izjavu);
- Ovjereni izjava da se protiv podnosioca prijave, odnosno lica ovlaštenog za zastupanje ne vodi krivični postupak i da nije pravosnažno osuđen za počinjenje krivičnog djela;
- Bilans stanja i bilans uspjeha za prethodnu godinu (FIA);
- Zbirni finansijski izvještaj o ostvarenim ukupnim prihodima i rashodima u toku budžetske godine;
- Dokaz o dostavljenim finansijskim izvještajima o utrošku sredstava;

- Program rada za godinu za koju se podnosi zahtjev za finansiranje aktivnosti koji sadrži plan/program i vremensku dinamiku planiranih aktivnosti (opis djelovanja i realizacije projekata, ciljevi i očekivani rezultati sa specifikacijom troškova – finansijska konstrukcija, ime osobe odgovorne za realizaciju projekata);
- Izjavu odgovornog lica Udruženja da je Udruženje u skladu sa Statutom Udruženja redovno održavalo Skupštine Udruženja (izjava se preuzima na web stranici Općine Centar);
- Dokaz o aktivnom transakcijskom računu;
- Dokaz da Udruženje nema dugovanja prema Općini Centar Sarajevo (uvjerenje nadležne Službe- pribavlja se službenim putem);
- Druga dokumentacija koja se po potrebi dostavlja Službi za boračko-invalidsku i socijalnu zaštitu;

IV BODOVANJE

Komisija za nadzor i koordinaciju će izvršiti bodovanje projektnih prijedloga po svakom kriteriju iz tačke II Javnog poziva.

V UČESNICI JAVNOG POZIVA

Učešće u ovom javnom pozivu je otvoreno za boračka udruženja od posebnog interesa i društvenog značaja za Općinu Centar Sarajevo kao i za sva ostala udruženja koja okupljaju boračku populaciju sa područja općine Centar Sarajevo, u skladu sa zakonskim propisima. Udruženje može predati više od jedne aplikacije i jedne projektne ideje, ali u tom slučaju se moraju predati odvojene aplikacione forme i priložiti neophodnu dokumentaciju uz svaku od njih. Udruženja ne mogu aplicirati po Javnom pozivu koji se objavljuje prema Odluci o načinu odabira projekata nevladinih organizacija po LOD metodologiji.

VI PERIOD REALIZACIJE PROJEKATA

Dužina trajanja svakog projekta može biti maksimalno jedna (1) kalendarska/budžetska godina. Projekti se trebaju realizirati u skladu sa važećom Odlukom.

VII LOKACIJA

Izabrani projekti se trebaju implementirati isključivo na području općine Centar Sarajevo, osim aktivnosti za koje ne postoje pretpostavke da se odvijaju na teritoriji Općine, a čija su ciljna grupa građani Općine.

NAPOMENA: Neće se finansirati aktivnosti odobrenog projekta koje su provedene prije zaključivanja ugovora.

VIII TRAJANJE JAVNOG POZIVA

Zahtjevi po Javnom pozivu sa prijedlogom projekata i pratećom dokumentacijom (u zatvorenoj kovrti sa napomenom- NE OTVARATI, adresirano na Službu za boračko invalidsku i socijalnu zaštitu Općine Centar Sarajevo- Odsjek za boračko invalidsku zaštitu, Mis Irbina broj 1, 71 000 Sarajevo) mogu se podnijeti u roku od 30 (trideset) dana od dana objavljivanja Javnog poziva na stranici Općine Centar Sarajevo i u dnevnik listovima Oslobođenje i Dnevni avaz.

Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta nakon usvajanja Budžeta Općine Centar Sarajevo za 2024. godinu. Rezultati će biti objavljeni na web stranici Općine Centar Sarajevo (www.centar.ba), kao i na oglasnoj ploči Općine.

IX ODLUKA O FINANSIRANJU

Općinsko vijeće Centar Sarajevo će donijeti Odluku o finansiranju projekata, a na osnovu prijedloga Komisije za nadzor i koordinaciju.

X ELIMINATORNI KRITERIJI:

Svi zahtjevi za finansiranje koji ne budu u skladu sa kriterijima važeće Odluke, bit će odbijeni.

PREUZIMANJE DOKUMENTACIJE:

Sve potrebne informacije i elektronska verzija prijavne dokumentacije može se naći na web stranici Općine Centar Sarajevo [www.centar.ba /konkursi](http://www.centar.ba/konkursi) i oglasi.

Pitanja u vezi sa javnim pozivom se mogu postaviti putem e-mail adrese: biz@centar.ba. Pitanja se mogu postavljati dok traje objava Javnog poziva. Odgovori na upite će biti dostavljeni u pisanoj formi unutar tri radna dana od primanja upita.